

PHALEUCIUM

O Juni optime, o miselle Juni,
Quem cursu in medio severa Clotho
Nuper sustulit heu! tuis dolendum
Amicis pariter, sodalibusque.
Ob tuum illi obitum ore moesti, et atris
Induti tunicis movent Latinam,
Nostratemque chelyn, tuumque spargunt
Bustum largifluo imbre lacrymarum;
Sparsuri et violis, rosisque, cum ver
Proximis tepidum efferet diebus.
Sic partem illi aliquam sui doloris
Levant, nomine saepe te vocantes.
Conjux at melius tibi heu! superstes,
Quae te plus oculis amabat ipsis.
Nam, tibi monumentum ut aere possit
Ipso surgere firmius, Latine
Quae scripsi egregia, aureoque digna
Saeclo carmina gestit, optat, ardet
Jam vulgare typis Bodonianis.
Haec solatia mortis illi, amicis
Haec at lecta tuis velut renasci
Te hos inter facient, tuorum et ampla
Merces hinc veniet tibi laborum,
O Juni optime, o miselle Juni.

G. FERRICK